

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقذر.
[ایضاحات: نسخه سی الی پاره، التي
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر،
§ آدرس تبدیلنده قرق پاره لک
پول کوندرملی در.
§ مسلکه موافق آثار مع المصنویه
قبول اولنور. درج ایدیلمه یازیلر
احاده اولونماز.



سرایط (۱۳۳۰) ۱۳۳۰

دینی، علمی، ادبی، سیاسی هفته لک مجموعه اسلامیه در

اخطارات

رساله مزدن آلندیغی کوسترملک شرطیلله
بتون یازیلر هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولسی و آبونه صره نومروسی محتوی
بولونمسی؟

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

عدد ۲۵۲

۵ شعبان المعظم ۱۳۳۱

پنجشنبه

۲۷ حزیران ۱۳۲۹

جلد ۱۰

اردو به دائر دوشو نذکر مزدن

فکر و حسك باشه چيقارامديني بر ايشي جبر و شدت حل ايدر .
اکثر دفعه منطق صحنه فعاليتي يومروغه ترك ايدر .
بو ، بشریتك ازلی بر دستوری ، دكشميان بر قاتونيدر . منطق
غير مرئي صولنلره مطلوب مظفريقي تأمين ایده مزسه يومروق مادی
ضربه لرله مقصدي حاصل ايدر . بری مونس ، ديکری موخش ...
فرده عائد بوخصت ملنلرده تماميله جاری در . مونس ، جاذب ،
بعضاً ولوله لی نظقلر ، قونفرانسارله حلی میسر اولامیان سیاسی مسئله لر
نهایت بریومروغك ضربه خونینه عرض ایدیلیر . انك صولت مدهشی ،
ضربه تحریجی اومغلق ، او مشوش مـئله یی ویا مسئله لری در حال فصل
ايدر .

شو حالده دیپلوماسی غیرتيله حلی میسر اولامیان مسئله لر دن
بکله نیله جك امیدلر ، فائده لر ، سعادتلر اینه جك ضربه نك صولت رصینه ،
اصابت قطعیمسنه وابسته قالاچق ..

بو ، اولیه بر طالع که نهایتنده یا دوشوب پریشان اوله رق غالبك
جاذبه تأثیری آلتنده ازیلوب محو اولق طالع سزلکی ، ویا بتون بو حفسر
هجوملری قیروب چیکنه یه رك مستثنا بر موقع قزائمق بختیارانی تجلی
ایده جکدر .

شمدی ، بر ملتك صریح اولان بر حقنی ، چیکنه نمك ایستیلین بر
سعادتنی وقایه وادامه ایچون مراجعت ایده جکی صولق قوت ، صولق چاره
قولنده کی قوت ، یومروغنده کی متانت دیمك اولان اردوسی اولورسه
بویله بر قوتك هر زمان ایچون بو کی مشوش مسائلی سینه سندن دوغدینی
ملتك نفعنه ، سعادتنه موافق صورتده حل ایده بیلمسی ایچون نه یولده
تعلیم و تربیه کورمسی ، فصل بر کتله وحدت کوسترمسی ، نه کی
سجایا ایله انصاف ایتمسی لزومی در حال ا کلاشیلیر .

حرب ایکی مخاصم دولتك ، فضائل انسانیه دن حائر اولدینی خصائل
عالیه یی خطاسلر انعکاس ایتدیره جك ، بر معیار صادقدر . بر حربك
خونین صفحاتی بو صفحاتی اندیشه لی نظر لرله ارقه دن تعقیب ایدن او
ایکی مخاصم ملتك عرض ایده جکلری حالت روحیه تدقیق و تحلیل
ایدیلنجه بری دیگرندن نه قدر زیاده یاشامق حقنی محافظه یه قابلیتی
اولدینی ا کلاشیلیر .

بر حربك عقینده بویله بر تدقیق و تحلیلک منفی نتیجه سنه معروض
قلامق ایچون اردولرك مکملیتی خصوصنده ایدیلن فداکارلقلرك
درجه سنی آزاچق تأمل کافیدر

ذاتاً بوندن بسیط منطق نه اوله بیلیر ؟ ... بر ملت ، که یاشامق حقنی
محافظه ایچون صولق چاره یی قوتنده ، اردوسنده بولمق مجبوریتنده در ؛
شبه سز ، که اوئی هر زمان ایچون منافعی استحصال وادامه خصوصنده
فداکار ، غزمکار اوله رق یتشدیرر . و بواغورده اختیاری ضروری
اولان فداکارلقدن چکنمز . ایشته ، بو ثابت حقیقه بناء در ، که نروده

بر حرب ظهور ایدرسه در حال او ایله سلامتی اردوسنك مکملیتنده
کورن ملتلر طرفندن مأورلر کوندریلیر ؛ نظریات عـکریه نك بر قاداوردوسی
دیمك اولان صحنه حرب ، حرکات عسکریه تعقیب و تدقیق ایتدیریلیر .
بویله برهنکامده قواعد حربی ، تمییه تطبیقاتی تمیلاته دوجار ایده جك
حربك دها پراتیک ، دها یکی بر اصولده سوق واداره سنی ممکن قیله جق
اسباب وعواملی تحری ایدیلیر .

حربك ختاميله نهایته ایرن بویوریحی و تهلمکلی وظیفه ختام بولور .
فقط یکی بر حرب ایچون یکی حاضر لقلر لزومی ، تعلیمنامه یه بعض ماده لر
علاوه سی ضرورت حکمی آلیر . بر قاداورانك تشریحی ، تقبی طبه .
طبییه نه کی فائده لر تأمین ایدرسه بر صحنه حربی تدقیق و تتبع ده
عسکرلکه ، عسکره اوکی فائده یی بخش ایدر . مقصد سز دیدیشمه لر ایله ،
هدف سز ، رابطه سز صولنلره ، بی فائده رجعتلره یوارلنه یوارلنه بوکون
کنارینه قدر کلدی کمز و بزه عاقبت الیم بر خسراندن ، درین بر یارده دن
باشقه برشی بر اقیان بو غیر طبیعی حربك ختامی سوق الحیش و تعییه
قواعدینه تخصیص تعلیمنامه یه یکیدن بعض موادك علاوه سنی یوقسه
مسامحه ونسیانه اوغرایان واردونك عادتا عروق فعالیتتی تحریکده اک
برنجی عامل مؤثر اولایلن موادك لایق اولدینی مرتبه نظر اعتسایه
آلنسنی می اقتضا ایتدیره جکی کیفیتنی اربانه بر اقره رق بوکون قسماً
یتمش دیمك اولان حربك معنویات نقطه نظرندن مطالعه سی آتی ایچون
بك الیم اندیشه لر تولید ایده جك بر ماهیتی حائر اولدینی کمال تأثر و تله فله
اعتراف ایتك ایجاب ایدر .

اوت ، بك عظیم ، بك درین فلا کترلره ختامه ایرن بو حرب آتی
ایچون متیظ بولونمه من خصوصنده بزه بر درس عبرت اولمیدر .
خطوه بخطوه تعقیب ایدلیدیکی حالده یاپیلان خطا لر ، ایدیلن مسامحه لر
بالطبع ا کلاشیله جق بونلرك منع تکرری اسبابنه شبه سز توسل ایدیله .
جکدر . فقط ، صحنه حربده نظر دقنه چاریمسی ممکن اولامیان بر خطا
همده بك فاحش بر خطا وار ، که او ، بتون انظار تدقیقدن صاقلی در . ایشته ،
کله جك مقاله مزده ایضاح ایده جکمز بو خطایی کورمك ، بونی اعتراف ایله
ازاله سنه تشبث ایتك لازمدر .

محمد شکر

مکاتیب

هندستانه اخبار مختصر صمدیه :

هندستانه مواصلت

ماسك اون بشنه تصادف ایدن چهارشنبه کونی بصره دن شطو ابوریله محرمه یه
ایکی محق ساعتده کیتیم . اسکیدن برو نی ، پدرمی طانیان و محرمه نك ده رئیس
التجاری و شیخ خزعل خانك وزیر ی بولنان حاجی محمد علی آغانك قوناغنده بر
ایکی کیجه مسافر قالوب ، محرمه نك ، عبادانك احوالی تدقیق ایتمکله مشغول اولدم .